

## **Uunga siunnersuut:**

### **Inunnit ataasiakkaanit eqqakkanut Qeqqata Kommuniani maleruaqqusaa**

Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersumi, Inatsisartut inatsisaat nr. 16, 1. december 2021-meersumi (avatangiisinut inatsit) allanngortinneqartumi § 36, imm. 3, § 39, imm. 1 aamma § 66, imm. 3 kiisalu Eqqakkat pillugit Namminersorlutik Oqartussat nalunaarutaat nr. 3, 7. januar 2021-meersumi (eqqagassalerinermut nalunaarut) §§ 18-20 naapertorlugit aalajangersarneqarput:

#### **Kapitali 1**

*Atuuffeqarfiat*

**§ 1.** Maleruaqqusami matumani Qeqqata Kommuniani inunnit ataasiakkaani tamani eqqakkanik katersisarnermut aaqqiissutinut, innersuussinissamut aaqqiissutinut aammalu tigussaasumik innersuussinermut malittarisassanik aalajangersaavoq.

*Imm.* 2. Maleruaqqusani matumani piumasaqaatinut eqqagassaqalersitsisoq immikkut akuersisummik tunineqarsinnaanngilaq.

#### **Kapitali 2**

*Siunertaa nassuaatillu*

**§ 2.** Torersumik eqqakkanik immikkoortiterinissap, mingutsitsinnginnissap aammalu mingutsitsinerit pinngitsoortsinnissaat kiisalu eqqakkanik atoqqiisoqarnissap aamma atoqqinnejarnissaannik siuarsaanissap qulakteernissaa maleruaqqusatigut siunertaavoq.

**§ 3.** Namminersorlutik Oqartussat eqqagassalerinermut nalunaarutaanni nassuaatit maleruaqqusami matumani, maleruaqqusami allanik nassuaatitaqartoqanngippat, qaqugukkulluunniit atuupput.

*Imm.* 2. Inunnit ataasiakkaanit eqqagassaqalersitsinermi illoqutigiit pineqarput. Inunnit ataasiakkaanit eqqagassanik ulorianartunik, elektronikkunik, nillataartitsivinnik queritsivinnillu imaluunniit sanaartornermit eqqagassanik suliffeqarfip ilisarnaataanik ilisarnaasikanik igitsisoqarpat, eqqagassat nammineq najugaqarfimmeersuuneranik eqqagassaqalersitsisumit uppernarsarneqarsinnaanngippat, taava pineqartoq inuussutissarsiuteqarfimmeersutut isigineqassaaq.

#### **Kapitali 3**

*Eqqagassaqalersitsisup pisussaaffii  
Atuisussaatitaaneq*

**§ 4.** Eqqakkanik katersisarnermut aammalu innersuussinissamut aaqqiissutit aalajangersakkanik atuinissamut eqqagassaqalersitsisoq pisussaaffeqarpoq.

*Imm. 2.* Eqqakkat maleruaqqusani allaaserineqanngitsut eqqarsaatigalugit eqqagassaqalersitsisoq kommunalbestyrelsimit saaffiginnissuteqassaaq, taakkulu eqqakkat iginneqarnissaannut erseqqissumik innersuussuteqassallutik. Eqqagassaqalersitsisoq erseqqissumik innersuussutaasumik atuisussaatitaavoq kiisalu tassunnga atatillugu akiligassanik akiliisussaatitaalluni.

*imm. 3.* Eqqagassalerinermut aaqqiissut naapertorlugu eqqakkat immikkoortunut eqqortumik iginneqareernerisa kingorna, eqqagassaqalersitsisoq akisussaajunnaassaaq.

#### *Immikkoortiterisussaatitaaneq*

**§ 5.** Aaqqiissutit ataasiakkaat ataanni nassuiarneqartutut, eqqagassalerinissamut kommunalbestyrelsip aalajangiiffigisaatut eqqagassaqalersitsisoq eqqakkanik immikkoortunik immikkoortiterisussaatitaavoq.

*Imm. 2.* Eqqagassanut immikkoortunut maleruagassani matumani imaluunniit inatsisini allani ilaatinneqanngitsunut, eqqagassat immikkoortinneqarnissaat ersarissumillu innersunneqarnissaat siunertaralugu eqqagassaqalersitsisoq kommunalbestyrelsimit saaffiginnissaaq.

#### *Nalunaaruteqartarnissamut paasissutissiisarnissamullu pisussaaffit*

**§ 6.** Eqqagassaqalersitisut kommunalbestyrelsip peqqusineratigut matumani malittarisassat naapertorlugit eqqagassat iginneqarneri pillugit paasissutissiisussaatitaapput.

*Imm. 2.* Kommunalbestyrelsi eqqagassaqalersitisumik akiliisitsinissamut pisinnaatitaaffeqarpoq kiisalu eqqakkat katitigaaneri pillugit, kommunalbestyrelsi eqqakkanik avatangiisitigut isumannaatsumik isumaginninnissaanik qulakteerinninnissaanut pisariaqartunik paasissutissanik piumaffiginnissinnaalluni.

#### *Nalunaarutiginnittussaatitaaneq*

**§ 7.** Eqqagassaqalersitsisoq eqqakkat mingutsinsinermik kinguneqartussat tamaasa pillugit pissutsini tamani kommunalbestyrelsimit nalunaarutiginnittussaatitaavoq.

#### *Toqqortarinnittussaatitaaneq*

**§ 8.** Eqqakkat isumannaatsumik, immikkoortillugit matoqqatillugillu toqqortaritinnissaannut kiisalu eqqaaviit eqqiluisaarnissaannut eqqagassaqalersitsisoq pisussaaffeqarpoq.

*Imm. 2.* Eqqakkat toqqortarineqartut ermertumik iginneqarnissaannut kommunalbestyrelsi aalajangiisinggaavoq. Eqqakkat mingutsinsinermik, eqqiluisaannginnermik, tipiliortitsinermik imaluunniit assingusumik pissutsinik pilersitsineranni tamanna pisinnaavoq.

## **Kapitali 4**

### *Aaqqissuussinerit assigiinngitsut*

**§ 9.** Aaqqiissutaasuni immikkoortunut aalajangersakkat naapertorlugit eqqagassat immikkoortut iginneqareeraangata aatsaat eqqagassaqalersitsisup akisussaanera atorunnaarsinneqassaaq.

*Imm. 2.* Nunap timaani eqqagassat pilersinneqartut illoqarfimmut imaluunniit nunaqarfimmut assartorneqassapput aaqqiissutaasunilu immikkoortunut aalajangersakkat naapertorlugit tunniunneqassallutik.

*Imm. 3.* Eqqakkanik maaniinnaq ikuallaaneq inerteqqutaavoq.

*Imm. 4.* Nunaqarfinnut ataasiakkaanut erseqqissumik allatut innersuussisoqarsimanngippat, katersisarnermut aammalu innersuussinissamut aaqqiissutitut nassuarneqartunut nunaqarfitt aallaavittut ilaapput.

*Imm. 5.* Inatsit atuuttoq naapertorlugu eqqakkanik tunniussinissamut, poortuinissamut, suliarinninnissamut assigisaanullu ersarissunik piumasaqaateqarsinnaasumut ataatsimoorussamik kommunit eqqagassalerinermut ingerlatsivimmut imaluunniit ingerlatsivimmut allamut aaqqissuussaq communalbestyrelsimit suliariumannittussarsiorneqarsinnaavoq.

### *Katersinermi aaqqissuussinerit*

**§ 10.** Katersisarnermut aaqqissuussinermi communalbestyrelsimit innersuunneqartumut tunniussivimmut imaluunniit katersuivimmut eqqagassaqalersitsisup eqqagassaatiminik igitinera pineqarpooq. Tamatuma kingorna eqqakkanik isumageqqiinissamut akisussaaffik communalbestyrelsimit tiguneqassaaq.

*Imm. 2.* Katersisarnermut aaqqiissutip ingerlanneqarnissa suliffeqarfimmut namminersortumut, igitsernermi eqqakkat suliareqqinnissaannik akisussaaffimmik tigusiutigisussamut suliariumannittussarsiuunneqarsinnaavoq. Inatsit atuuttoq naapertorlugu pisuni eqqagassat iginneqarnersut communalbestyrelsimit nakkutigineqassapput.

### *Innersuussinermi aaqqissuussinerit*

**§ 11.** Innersuussinermi aaqqissuussinerni kommunip tigooraaviani, ataatsimoorussamik kommunit eqqagassalerinermik ingerlatsiviani imaluunniit ingerlatsisumit allamit kommunip isumaqtigisiuteqarfigisaanit maleruagassami innersuussinerit naapertorlugit eqqakkat iginneqarnissaannut eqqagassaqalersitsisup akisussaaffigaa.

*Imm. 2.* Niooqqaanissamut innersuussuteqartup innersuussutigisaa qaqugukkulluunniit eqqagassaqalersitsisumit malinnejqassaaq.

*Imm. 3.* Eqqagassanik poortuinissamut, meqqiliinissamut, toqqortarininninnissamut, nalunaarutiginninnissamut aammalu suliareeqqaarinninnissamut Kommunalbestyrelsi piumasaqaatinik aalajangiisinjaavoq kiisalu eqqakkanik utaqqiisaasumik toqqortarininnissamut innersuussisinjaalluni.

*Imm. 4. Eqqakkat kukkusumik immikkoortitikkat, imm. 3-mi piumasaqaatinik naammassinninngitsut imaluunniit maleruagassami matumani aalajangersakkanik allatigut malinninngitsut itigartitsissutigineqarsinnaapput.*

#### *Ersarissumik innersuussineq*

**§ 12.** Eqqagassat katersisarnermut innersuussisarnermullu aaqqissuussinernut atuutereersunut ilaanngippata eqqagassaqalersitsisoq communalbestyrelsimit, igitsinissamut perarfissamut ersarissumut innersuussisussamut saffiginnissaq.

*Imm. 2. Kommunimi sulisunut imaluunniit allamit ingerlatsisumut eqqagassanik tigusisumut eqqakkat annertussusaat imaluunniit suussusaat isumaginninnissamut imaluunniit suliffimmi avatangiisinut ajornartorsiortitsippata, igitsinissamut perarfissamut allamut innersuussinissamut imaluunniit aggorneqarlutik, poortorneqarlutik assingusumilluunniit suliarineqaqqaarnissaannik piumasaqaateqarnissamut communalbestyelsi pisinnaatitaavoq.*

### **Kapitali 5**

#### *Katersisarnermut aaqqiissummut eqqagassat immikkoortut ilaapput Eqqakkat uumasuneersut*

**§ 13.** Eqqakkat immikkoortunut eqqakkat uumasuneersut, tassa qimmit uumasullu minnerit allat kiisalu pisanit sinnit, soorlu puisimit, arfermit aavermillu, aalisakkanit aammalu tuttunit umimmannilluunniit eqqagassat ilaapput.

*Imm. 2. Eqqaavinnut containeriusunut tamanut atugassanngortinneqarsimasunut imaluunniit kommunip tigooraavianut eqqagassaqalersitsisoq eqqagassanik igitsissaaq. Eqqakkat puussiarsuarnut qernertunut 150 µ marloriaammik naqqatigut aatsillugit nipititanut (anartarfinnut puussianut) imaluunniit eqqagassaasivimmut ussissumut ikineqassapput.*

#### *Eqqakkat nalinginnaasut*

**§ 14.** Eqqakkat nalinginnaasut tassaapput, malittarisassat atuuttut naapertorlugit illoqutigiinni eqqakkat nalinginnaasut immikkoortiternerisa kingorna kiserngoruttut. Taakkunani igaffimmi eqqakkat, nerisassat eqqakkat, pappinik, pappiaqqanik, plastikkiniik puukunillu eqqagassat, eqqluisaarnermi eqqagassat, soorlu nangit kiisalu nammineq atugassatut pisanit aalisarnermiillu eqqagassat ilaapput. Eqqakkani nalinginnaasuni igalaamerngit, savimerngit, batteriit, kemikaliat imaluunniit avatangiisinut navianaatillit eqqagassat allat ilaanngillat.

*Imm. 2. Eqqakkanut nalinginnaasunut aaqqiissummut imaartittarnissamut amerlassusissanik pisariaqartinneqartunik nalunaarsorneqarnissaq eqqagassaqalersitsisumit qularnaarneqassaaq, taamaaliornikkut imaarneqarnerit marluk akornanni eqqaaviit ulikkaartoortassanatik. Imaartittarnissamut atorunnaarsitsinermullu nalunaarsorneqarneq kommunip nittartagaatigut, innuttaasunik kiffartuussivikkut imaluunniit nunaqarfimmi allaffimmut ingerlanneqassaaq.*

*Imm. 3.* Eqqagassaqalersitsisoq nammineq akilikkaminik eqqakkanut nalinginnaasunut naammattunik eqqaavinnik pissarsissaq, inissiinissaq aserfallatsaaliinissarlu pisussaaffigaa. Attartornerni illumik piginnittooq eqqagassanut nalinginnaasunut naammattunik eqqaavilersuinissamut pisussaaffeqarpoq kiisalu ulluinnarni eqqakkanik isumaginninnissamut, toqqortarinninnissamut igitsinissamullu malittarisassat attartortunit ataasiakkaanit malinneqarnissaa qulakkiissallugu.

Eqqaavinnut, puussiarsuarnut imaluunniit eqqaavinnut containeriusunut tullinnguuttut atuupput:

- 1) eqqagassanik taamaallaat immerneqartassasut,
- 2) atortunik inngigissunik ipitsunilluuniit poortorsimangitsunik imaqassanngillat,
- 3) eqqaavik akornutitaqanngitsumik ammarlugu imarneqarsinnaanissaa,
- 4) taanna eqqaaviillu puussiartassai atorneqartut communalbestyrelsimiit akuerisaasimassasut,
- 5) angallannermut aputaajaanermulluunniit ajoqutaannngitsumut inissinneqassasoq,
- 6) apuit kusukkalluunniit nakkaanissaannut qajannaallisarlugu inissinneqassasoq,
- 7) eqqaavilerisut biiliinut ungasissuseq 50 m.-mik ungasissuseqassalluni kiisalu aqqutaa tamaat sinerlugu minnerpaamik 2,5 m.-mik portussuseqassalluni,
- 8) ukioq naallugu aqqusinermi appakaaffissami ingerlavigneqarsinnaasumut manissumullu inissinneqassasoq,
- 9) tipinik akornusersuinissaa minnerpaaffissaaniitinniarlugu inissinneqassasoq,
- 10) eqqaaveqarfik nunamit portunerusumut inissinneqassanngitsoq - taamaalillunilu majuartarfekqassanngitsoq.
- 11) nalaa torersuutinnejassasoq eqqiluitsuutinnejarlunilu,

*Imm. 4.* Eqqakkat nalinginnaasut tippannissaat minnerpaamiisinniarlugit akuttoqatigiimmik minnerpaamik sapaatip akunneranut ataasiartumik imarneqartassapput. Eqqakkat annertussusaat naapertorlugit sapaatip akunneranut imaaqtittarnissamut pisariaqartinneqartutut nalilerneqartutigut eqqagassalerinermut aaqqiisummut nalunaarnissaannik communalbestyrelsimit piumasarineqarsinnaavoq.

*Imm. 5.* Eqqakkat nalinginnaasut kommunimit imaluunniit suliassamut suliariumannittussarsiuussinermi suliamik suliarinnittumit allamit aaneqartassapput, Sisimiunilu ataatsimoorussamik kommunit ikuallaavianni toqqaannartumik iginneqarsinnaallutik. Kommunip illoqarfiini nunaqarfiinilu sinnerini kommunip tigooraavianut eqqakkat nalinginnaasut iginneqartassapput.

### *Eqqakkat navianartut annikinnerusut*

**§ 15.** Eqqakkat navianartut annikinnerusut tassaasinnaapput illup iluani akoorutissat, eqqiaanermi atortut, nutsanut sprayeq, kukinut qalipaatit, elektronikkikkut atortut annikitsut, pærít innaallagiamik atuinikitsut elektroniskininggaaniillu nalinginnaasunit batteerit assigiinngitsut tamaasa, tassaasut AAA, AA, C, D, E kiisalu batteerit immikkuullarissut,

tórbatteerit, zink-carbon batteerit, batteerit amitsut aammalu oqarasuaatit angallattakkanit, qarasaasianit, tablet-init, sannatinit kiisalu pinngussanit batteerit.

*Imm. 2. Eqqagassat navianartut annikinnerusut eqqagassaqlersitsisumit kommunip avatangiisini eqqaveqarfiinut, eqqakkanut avatangiisinut navianaatilimmik ilisarnaatilinnut katersuivinnut tamanit anguneqarsinnaasunngorlugit inissinneqarnikunut imaluunniit kommunip tigooraavianut tunniunneqarsinnaapput.*

*Igalaamerngit puutut atorneqarsimasut puiaasatut il.il.*

**§ 16.** Igalaamerngit puutut atorneqarsimasut pineqarput, matumani viinnit puuiaasat, paarnat simersiat puui, igalaamerngit aseqqukut assigisaallu salinneqarsimasut.

*Imm. 2. Igalaamerngit containerinut tamanit anguneqarsinnaasunngorlugit igalaamerngimik ilisarnaaserlugit inissinneqarnikunut eqqagassaqlersitsisumit iginneqassapput.*

*Puut saviminernit sanaat qillertuusatut il.il.*

**§ 17.** Puut saviminernit sanaat atornikut ilaatigut ukuupput, qillertuusat, immiaaqqat sodavandillu qillertuusat.

*Imm. 2. Puukut savimerngiusut containerinut tamanit anguneqarsinnaasunngorlugit savimerngimik ilisarnaaserlugit inissinneqarnikunut eqqagassaqlersitsisumit iginneqassapput.*

*Eqqakkat angisuut*

**§ 18.** Eqqakkat immikkoortuni pisattat annertunerusut pineqarput, assersuutigalugu pequit, sisoraatit, sikkilit, savimerngit, saffugassat, dunkit, madrassit kiisalu igaffimmi errorsisarfimmilu atortut tassaasut nillataartitsiviit, qeritsiviit, kissarsuutit, errorsiviit, erruiviit, microbølgeovnit il.il.

*Imm. 2. Eqqakkat angisuut eqqakkanut angisuunut containerinut, tamanit anguneqarsinnaanngorlugit inissinneqarsimasunut eqqagassaqlersitsisumit iginneqassapput imaluunniit Teknikkeqarnermut Avatangiisinullu immikkoortortamit aaneqartussanngorlugit aquuserngup sinaanut inissinneqassapput imaluunniit kommunip tigooraavianut tunniunneqassapput.*

## **Kapitali 6**

*Eqqakkat immikkoortut inniminniinermut aaqqiissummut ilaapput  
Imassat aamma sakkut*

**§ 19.** Imassat, aallaasit, qummoroortut, ajunaalerluni kalerrisaarutit qamutillit imassaat suugaluarpataluunniit eqqakkat immikkoortunut ilaapput.

*Imm. 2. Siumut nalunaarutigereerneratigut eqqakkat immikkoortut kommunip tigooraavianut eqqagassaqlersitsisumit iginneqassapput.*

## *Betonngi aamma qarmakkat*

**§ 20.** Betonngimit eqqakkanut betonngi saviminernik qajannaallisaataanik anillangasortaqanngitsut qarmakkallu tassaasut ass. qarmasissiat, marraat aamma multipladit ilaapput.

*Imm. 2.* Betonngit saviminernik qajannaallisaataasa annerpaamik 2 cm.-imik anillanganerat, betonngit eqqakkat annerpaamik 200x100x50 cm.-imik annertussusilerlugit aserorterneqarsimanissaat siumut qulakkeeeqqaarlugu, eqqakkat immikkoortut kommunip tigooraavianut eqqagassaqalersitsisoq igitsissaaq.

## *Eqqakkat toqqorneqarsinnaasut akuleriit*

**§ 21.** Eqqagassat toqqorneqarsinnaasut eqqakkanut immikkoortunut allanut ilaangngitsut eqqakkat ilaapput, ilaatigut marraasinnaapput, marriat, vinylit flise-ltu.

*Imm. 2.* Eqqagassat annerpaamik 200x100x50 cm.-imik annertussusilerlugit aserorterneqarsimanissaat siumut eqqagassaqalersitsisumit qulakkeerneqariarlutik, kommunip tigooraavianut eqqakkat immikkoortut iginneqassapput.

## *Eqqagassat ikuallassinnaasut*

**§ 22.** Eqqagassat ikuallatassat tassaapput eqqagassat ikuallassinnaasut navianaateqanngitsut, immikkoortiterneqarnissaannut, toqqortarineqarnissaannut imaluunniit immikkut isumagineqarnissaannut piumasaqaataasumut ilaangngitsut aammalu toqqaannartumik atoqqiinissamut naleqqutinngitsut. Ilaatigut puukut, plastikkit pequtillu aseqqukut pineqarput.

*Imm. 2.* Eqqakkat ikuallassinnaasut 100x100x50 cm. sinnerlugit atsigisut, eqqakkatut ikuallassinnaasutut annertuutut akeqartinneqartarput. Eqqakkat 100x100x50 cm. ataallugit angissusillit, eqqakkatut ikuallassinnaasutut minnertut akeqartinneqartarput. Eqqagassat tunniunneqarneranni imerpelasunik akoqassangillat.

*Imm. 3.* Sisimiuni eqqagassaqalersitsisut eqqagassanik ikuallassinnaasunik annikitsunik kommunip tigooraavianut imaluunniit ataatsimoorussamik kommunit ikuallaavianut isumaqatigiissuteqareernermermi igitsisinnaapput. Eqqakkat ikuallassinnaasut angisuut kommunip tigooraavianut taamaallaat tunniunneqassapput. Illoqarfiiit nunaqarfiiillu sinnerini eqqagassat ikuallassinnaasut angisuut annikitsullu eqqagassaqalersitsisunit kommunip tigooraavianut tunniunneqassapput.

## *Sanaartornermi atortut tassaasut qalissiat, gips kiffiutissat il.il.*

**§ 23.** Sanaartornermi atortut eqqagassat nutarterinermit, nutaamik sanaartornermit imaluunniit ingutserinermit pisuupput, ilaatigut qalissiaasinnaallutik, gipsiusinnaallutik imaluunniit kiffiutaasinnaallutik.

*Imm. 2.* Eqqakkat immikkoortut eqqagassaqalersitsisumit kommunip tigooraavianut iginneqassapput, iginneqannginnerinilu assersuutigalugu kikissat qinnerillu piiarneqarsimanissaat qulakkeersimassallugu.

#### *Toqqaannartumik atoqqiineq*

**§ 24.** Atoqqiinerit tassaapput pequtit atugassat, pequtit assigisaallu suliareqqinneaqqaratik atorneqarsinnaasut.

*Imm. 2.* Pequtit atoqqinneaqqarsinnaasut kommunip tigooraavianut imaluunniit toqqaannartumik atoqqinneaqqarsinnaasunut tamanit tikannginnerinilu assersuutigalugu containerinut eqqagassaqalersitsisumit peerneqassapput.

#### *Assakaasut*

**§ 25.** Assakaasut tassaapput assakaasut qaleqtai ilivitsut imaluunniit ilaannakui angallassisutinit assakaasulinnit tamaneersut.

*Imm. 2.* Assakaasut eqqakkat kommunip tigooraavianut imaluunniit kommunip isumaqatigiissuteqarfigisaanut ingerlatsisumut allamut eqqagassaqalersitsisumit tunniunneqassapput, tunniussinnginnermilu assakaasut saviminertaasa peerneqarsimanissaat qulakkeersimassallugu.

#### *Eqqakkat navianartut annertunerusut*

**§ 26.** Eqqakkat navianartut tassaasinnaapput akoorutissat, uuliakoq, pære sarfamik sipaarutilik, akkumulatorit, lysstofrøri, qalipaatit sinnikui, batteriit, avatangiisinut ulorianartunik eqqagassanut poorinikuusimasat, qarasaasiat, printerit, isiginhaarut, oqarasuaatit, sannatit innaallagiatortut, pinngussat elektronikkiusut, igaffimmi errorsisarfimmilu atortorissaarutit, qisuk aanaveversaasigaq, eqqagassat asbestinik akullit, eqqagassat PCB-mik akullit aammalu eqqagassat aatsitassanik oqimaatsunik akullit.

*Imm. 2.* Eqqakkat angisuut kommunip tigooraavianut eqqagassaqalersitsisumit igaffimmi errorsisarfimmilu atortorissaarutit tunniunneqarsinnaapput.

*Imm. 3.* Elektroniskit eqqagassat anginerit, qalipaatit, lakki, fugemasset, naqiterinermilu qalipaatit, uuliakoq, matumani uuliakut suulluunniit, akkumulatorit, poorisat silaannarmik naqitsinermik imallit, lysstofrørit aammalu qisuit aanaveversaasikkat kommunip tigooraavianut eqqagassaqalersitsisumit tunniunneqassapput.

*Imm. 4.* Pisuni tamani eqqagassaqalersitsisup eqqagassat navianartut tulliuttutigut poortorsimanissaat qulakkiissavaa:

- 1) puut eqqiluitsut, ussittut matoqqasullu,
- 2) pooreqqarisaa imaluunniit imarisaanik ersarissumik nalunaaqutsersimasoq,
- 3) eqqagassanut navianaatilinnut assigiinngitsunut assigiinngitsunik pooqartitsineq aammalu

### *Savimerngit safiugassallu*

**§ 27.** Savimernginut safiugassanullu ilaatigut ukuusinnaapput sikkilip timita, ilisiviit safiugassanit sanaat, ruujorit, inoqutigiit namminneq sanaartornermit aammalu nutarterinermit savimerngit safiugassallu, saviminernut aserorterivikkut savimerngit mingunnikut aserortigassat, vaajari sisak imaluunniit kabelit akuleriit.

*Imm. 2.* Savimerngit safiugassallu kommunip tigooraavianut imaluunniit kommunip isumaqatigiissuteqarfigisimasaanut ingerlatsisumut allamut eqqagassaqalersitsisumit tunniunneqassapput. Tunniussinnginnermi eqqagassat aseroterneqarsimanissaannut annertunerusumik piumasaqaateqartoqarsinnaavoq.

### *Pequtit igalaamerngit annertunerusut*

**§ 28.** Pequtit annertunerusunut tarrarsuuit igalaallu igalasserfeqanngitsut ilaapput

*Imm. 2.* Eqqagassat kommunip tigooraavianut eqqagassaqalersitsisumit tunniunneqassapput.

### *Qalorsuit, qassutit aamma ningittakkat*

**§ 29.** Eqqakkat immikkoortuni ilaatigut aalisakkanut qassutit, qassutit, ningittakkat qalorsuillu ilaapput.

*Imm. 2.* Puttaqutillit, kallussaannaveeqqutit, oqimaaluttat allunaasallu akuerineqarsinnaapput, aatsaat qassutini/ningittakkani/qalorsuarni/nettinilu aalajangersagaasimappata.

*Imm. 3.* Taifunwire (qassutit saviminernik wirertallit), qalorsuit matui karsillu plastikkit skummimik immikkat ilaatinneqanngillat aammalu qalorsuarnut, qassutinut aamma ningittakanut ilanngullugit tunniunneqassanngillat.

*Imm. 4.* Qalorsuit, qassutit ningittakkallu immikkoortiterlugit kommunip tigooraavianut imaluunniit umiarsualivimmi containerinut inissinneqarsimasunut eqqagassaqalersitsisoq igitsissaaq, igitsinnginnermilu oqummersat ass. peersimanissaat qulakkiissallugu.

### *Qisuit igitat*

**§ 30.** Eqqagassat immikkoortut tassaapput sallilikkat issusuut, sallilikkat, pladit imaluunniit listit nutaamik sanaartornermit, nutarterinermit, isaterinermit imaluunniit atortulersuutinik sanaartornernit pisut, allanik patsiseqartumik qalipanneqarsimasut imaluunniit mingutsinneqarsimasut.

*Imm. 2.* Qisuit aannaveersaasikkat eqqakkat navianartuniissapput.

*Imm. 3.* Qisuit eqqagassat kommunip tigooraavianut eqqagassaqalersitsisumit tunniunneqassapput, tunniunneqannginnernilu betongitai, fugemasset, kikissat, qinnerit, qalequt assigisaallu piiarsimanissaat kiisalu qalipaat aatsitassamik oqimaatsumik akoqannginnissaa qulakkeequaassallugit. Qisuit eqqagassat tunniunneqannginnerini 200x100x50 cm.-imut annertussuseqalersillugit aseroterneqaqqaaassapput.

## *Imaatigut angallassissutit qamutillu motoorillit nutaanngilivallaarsimasut*

**§ 31.** Eqqakkat immikkoortuni imaatigut assartuussinissamut angallatit, matumani umiatsiat, umiarsuit, umiatsiaaqqaat aammalu umiaasaaqqaat kiisalu nunakkut assartuussinissamut qamutit, matumani biilit, qamuteralaat ATV-llu pineqarput.

*Imm. 2.* Iginneqannginnerini eqqagassaqalersitsisup imaatigut angallatit imaluunniit qamutit kommunip avatangiisitigut piareersarnissaannut malittarisassat malinneqarnissaat isumagisarisassaraa. Avatangiisitigut piareersarneqarsimannngippata tigujumaneqassanngillat imaluunniit eqqagassaqalersitsisoq akigititanut allattorsimaffik naapertorlugu piffissaq atorneqartoq aallaavigalugu annertunerusumik akiligassinneqassaaq.

*Imm. 3.* Imaatigut angallassissutit imaluunniit qamutit avatangiisitigut piareersarneqarsimasut eqqagassaqalersitsisumit kommunip tigooraavianut tunniussissaq, tassunnga atatillugu avatangiisitigut piareersarneqarsimaneranik upternarsaammik takutitsisoqassalluni. Nunaqarfinni illoqarfimmut qaninnerpaamut tigooraavimmut tunniussineq ingerlanneqassaaq. Annertunerusumik aserorterneqarnissaanut piumasaqaateqartoqarsinnaavoq.

*Imm. 4.* Imaatigut angallassissutinik imaluunniit qamutit nutaanngilivallaartut avatangiisinut navianartunik atortoqaraluarpata atortoqanngikkaluarpataluunniit, illoqarfimmipinngortitamullu qimaannarneqarnissaat inerteqquataavoq.

## **Kapitali 7**

*Eqqagassat immikkoortortat erseqqissumik innersuussinermut ilaapput  
Issoq mingutsinnejqarsimasoq*

**§ 32.** Eqqakkat immikkoortuni issoq avatangiisinut imaluunniit peqqissutsimut navianartunik akulik, avatangiisinik mingutsisisinnaasutut imaluunniit innuttaasut peqqissusaannut aarlerinartortaqrneranik takussutissartalik ilaavoq.

*Imm. 2.* Issoq mingutsinnejqarsimasup nuunneqarnera eqqagassaqalersitsisumit communalbestyrelsime, igitsinissamik periusissamik innersuussuteqartumut nalunaarutiginnissaq. Igitsinissamik periusissamik innersuussisoqartinnagu issoq mingutsinnejqarsimasoq iginneqassangilaq.

*Imm. 3* Tunniussinnginnermi issoq ujaraajaqqaarneqassaaq.

*Imm. 4.* Tigussaasumik itigartitsineq naapertorlugu eqqagassaqalersitsisumit issoq mingunnikoq igissavaa. Akigititat atuuttut naapertorlugit eqqagassaqalersitsisoq issumik mingunnikumik tunniussinermintut akiliuteqassaaq.

## **Kapitali 8**

*Akitsuutit*

**§ 33.** Katersisarnermut aammalu innersuussinissamut aaqqiissutinut ataasiakkaanut eqqagassalerinermet atatillugu kommunimit aningaasartuutigineqartunik matussusiisussanik

kommunalbestyrelsi akiliutissanik aalajangersaassaaq. Akiliutit ukiumut naleqqussarneqartarpuit eqqagassalerinermullu Qeqqata Kommuniani akigititanut allattorsimaffimmi, kommunip nittartagaani tamanit takuneqarsinnaasuni takuneqarsinnaasarlutik.

*Imm. 2.* Eqqakkat illoqarfimmi, nunaqarfimmi nunap timaaniluunniit pilersinneqaraluarpata eqqagassaqalersitsisut tamarmik akiliuteqartassapput.

*Imm. 3.* Inoqtigiiit eqqagassaqalersitsisut kommunip tigooraavianut 50 kg. angullugu ullormut tunniussaqarsinnaapput. Tamannali nunamut mingutsinneqartumut aammalu eqqakkanut nalinginnaasunut atuutiningilaq.

*Imm. 4.* Eqqakkanut nalinginnaasunut tunngatillugu eqqagassaqalersitsisoq nuunnermi imaartittarnissamut nalunaassaaq aammalu nooqqinnermi aaqqiissutip atorunnaarsinnissaanut nalunaqqissalluni. Nalunaarnerit kommunip nittartagaani ingerlanneqassapput. Nuunnermi atorunnaarsitsinissamik nalunaartoqanngippat, eqqagassaqalersitsup allap nalunaarnissaata tungaanut eqqagassaqalersitsisuugallartutut nalunaaqqasoq akiliisussaatitaavoq.

## **Kapitali 9**

*Nakkutilliineq*

**§ 34.** Qeqqata Kommuniani Teknikkimut Avatangiisinullu immikkoortortaqarfik nakkutilliisussaatitaasuuvooq.

*Imm. 2.* Nakkutilliisussaatitaasoq avatangiisit pillugit inatsimmi § 47 naapertorlugu suliffeqarfimmik eqqagassalerisunik nakkutilliartornissaq siunertaralugu suliffeqarfimmut appakaannissaminut, appakaannginnermi piffissaq sioqqullugu eqqagassaqalersitsisumik kalerrisaareeqqaassaaq.

## **Kapitali 10**

*Naammagittaalliutit*

**§ 35.** Matumani maleruaqqusat naapertorlugit aalajangiinernut naammagittaalliutit uunga nassiunneqassapput Qeqqata Kommunia, Teknikkeqarnermut Avatangiisinullu immikkoortortaq, e-mail-ikkut imaluunniit allakkatigut.

**§ 36.** § 35 naapertorlugu Kommunalbestyrelsip aalajangiineri avatangiisit pillugit inatsimmi kapitali 14 naapertorlugu Avatangiisinik illersuineq pillugu Naammagittaalliuteqartarfimmut naammagittaalliutigineqarsinnaapput.

*Imm. 2.* Naammagittaalliutit uunga nassiunneqassapput Atuisartoqarnermut Unammilleqatigiinnermullu Aqutsisoqarfik, Imaneq 29, 1 sal, postboks 689, 3900 Nuuk, imaluunniit E-mail: tamatuma kingorna Atuisartoqarnermut Unammilleqatigiinnermullu Aqutsisoqarfip naammagittaalliut Avatangiisinik illersuineq pillugu Naammagittaalliutteqartarfimmut ingerlateqqissavaa.

*Imm. 3.* Avatangiisit pillugit inatsimmi § 60, imm. 2 naapertorlugu tulliuttut naammagittaalliuteqarsinnaatitaapput:

- 1) Aalajangiinermik nassitsivigineqartut.
- 2) Nunatsinni Nakorsaaneqarfik
- 3) Kinaluunniit suliap qanoq naammassineqarnissaanut nammineq immikkut annertuumilluunniit soqtigisaqartoq.
- 4) Peqatigiiffit kattuffiillu, ileqqoreqqusatik naapertorlugit peqqissarfiullutik qasuersaarfiusartunik, avatangiisnik pinngortitamillu annertuumik soqtigisanik isumagisaqarnissamik siunertaqartut.

*Imm. 2. Avatangiisit pillugit inatsimmi § 60, imm. 3, litra a naapertorlugu naammagittaalliuteqarnissamut ullormit tassanngaanniit aalajangernerup aalajangersaaffigineqartumut nalunaarutigineqarneranit sapaatit akunneri arfinillit piffissaavoq.*

*Imm. 3. Avatangiisit pillugit inatsimmi § 62, imm. 1 naapertorlugu Naammagittaalliuuteqartarfiup suliami aalajangiinissaata tungaanut imaluunniit Naammagittaalliuuteqartarfiup allatut aalajangiinissaata tungaanut maalaaruteqarneq peqqusinermut imaluunniit inerteqqusummut kinguartitsisarpoq. Avatangiisit pillugit inatsimmi § 62, imm. 2 naapertorlugu peqqusummik inerteqqummilluunniit aalajangiisoqarsimappat, immikkut tunngaveqartoqartillugu, peqqussuteqarnerup imaluunniit inerteqquteqarnerup saniatigut, qanorluunniit maalaaruteqartoqartillugu Kommuni aalajangiinerup malinneqarnissaanik aalajangiisinnaavoq. Avatangiisit pillugit inatsimmi § 63, imm. 1 naapertorlugu akuersissutinut imaluunniit immikkut akuersissummut maalaarutit kinguartinneqarneq ajorput.*

## Kapitali 11

*Kinguneqartitsinerit*

**§ 37.** § 4, imm. 1, § 5, imm. 1, § 6, imm. 1, § 7 aamma 8, imm. 1, kiisalu § 13, imm. 2, § 14, imm. 2-5, § 15, imm. 2, § 16, imm. 2, § 17. imm. 2, § 18, imm. 2, § 19, imm. 2, § 20, imm. 2, § 21, imm. 2, § 22, imm. 3, § 23, imm. 2, § 24, imm. 2, § 25, imm. 2, § 26, imm. 3 aamma imm. 4, § 27, imm. 2, § 28, imm. 2, § 29, imm. 3 aamma imm. 4, § 30, imm. 3, § 31, imm. 3 aamma imm. 4 kiisalu § 32, imm. 2-4 unioqqutinneqarnerini Kalaallit Nunaanni Pinerluuteqarsimanermut inatsimmi malittarisassat naapertorlugit akiliisitaanermik kinguneqartitsisisaapput.

*Imm. 2. Imm. 1 malillugit suliassat Kalaallit Nunaanni Eqqartuussivinni siullertut suliariinnittussamut suliakkiissutigineqassapput.*

## Kapitali 12

*Atuutilersitsinermut atorunnaarsitsinermullu aalajangersakkat*

**§ 38.** Nalunaarut saqqummiussinerup aqaguani atortuulissaaq.

*Imm. 2. Tamatuma saniatigut Sisimiut Kommuniani igitassanik eqqaanermut maleruaqqusaq 6. februar 1996-imeersoq, Sisimiuni, Sarfannguani Itillimilu eqqagassalerinermut malittarisassiat 6. februar 1996-imeersoq aammalu Sisimiut Kommuniani uuliakunik*

akuutissanillu eqqakkat iginneqarnissaannut maleruaqqusaq 6. februar 1996-imeersoq atorunnaarsinnejassapput.

*Imm. 3. Ulloq [dato] Qeqqata Kommunip Kommunalbestyrelsianit akuersissutigineqarpoq.*

Borgmesteri

Kommunimi pisortaaneq